

ACORDO DA COMISIÓN DE SEGUIMENTO DO ACORDO DE MELLORA DAS CONDICIÓNIS DE TRABALLO E RETRIBUTIVAS DO PERSOAL RESIDENTE EN FORMACIÓN DO SERVIZO GALEGO DE SAÚDE SOBRE A RETRIBUCIÓN DA ATENCIÓN CONTINUADA

O Acordo de mellora das condicións de traballo e retributivas do persoal residente en formación do Servizo Galego de Saúde, asinouse o 23 de febreiro de 2007 pola Administración sanitaria e as organizacións sindicais CIG, CEMSATSE, CC.OO., CSI-CSIF, e UGT. e foi aprobado por Resolución conxunta da Secretaría Xeral do Sergas, a División de Recursos Humanos e Desenvolvemento Profesional e a División de Asistencia Sanitaria, de 17 de abril de 2007 (DOG número 78, do 23 de abril de 2007).

O 19 de decembro de 2006, a Administración Sanitaria e as organizacións sindicais CEMSATSE, CC.OO., CSI-CSIF, UGT e CIG asinaron un acta de fin de negociación do Acordo de Mellora das Condicións de traballo e retributivas do persoal residente en formación, aprobada por Resolución de 4 de maio de 2007 da División de Recursos Humanos e Desenvolvemento Profesional e publicada no DOG nº 92, de 14 de maio de 2007.

O apartado terceiro da citada acta recolle a competencia da Comisión de Seguimento para iniciar o procedemento de adecuación e revisión da retribución da atención continuada do persoal residente en formación, no suposto de que con data 30 de setembro de 2007, as contías acordadas para a retribución continuada resulten inferiores á media nese intre vixente no Sistema Nacional de Saúde.

As contías dos servizos de saúde modificáronse fundamentalmente no primeiro semestre do ano. Así, no remate do ano 2006 asináronse acordos nos que se modificaban as contías a percibir en concepto de atención continuada polo persoal residente en formación de Cataluña, Madrid, e Valencia. No primeiro semestre deste ano 2007, en La Rioja, Cantabria, Castilla la Mancha, Asturias,

Andalucía, Aragón, Extremadura, Murcia, Navarra, Castilla y León, Canarias e País Vasco, asinaron os seus propios acordos para este persoal residente en formación, aplicando novas retribucións da atención continuada en varios servizos, e dende o 1 de xullo de 2007.

A sinatura destes acordos produciu un incremento da media da retribución por este concepto no Sistema Nacional de Saúde que serviu de referencia en 2006 para fixar as contías no Servizo Galego de Saúde.

Con base nas retribucións de atención continuada anteriores, calculáronse as contías de retribución 2007 que se recollen neste acordo, incorporando o valor da media do sábado, domingo e festivo ao longo do ano, sen que se cree un concepto retributivo propio para este días.

Ademais da subida derivada do cálculo anterior, mantense o incremento previsto no acordo nun porcentaxe anual do 7% para 2008 e 7% para 2009. Por mor deste acordo diferéncianse por primeira vez as retribucións dos MIR III e IV-V, incrementando estes últimos con respecto aos anteriores.

Con ditos antecedentes a administración sanitaria e as organizacións sindicais asinantes do acordo citado e con representación na mesa sectorial, CIG, CEMSATSE, CSI-CSIF, CCOO e UXT, en data 24 de xullo de 2007

ACORDAN:

Primeiro: Obxecto e ámbito de aplicación

Revisar e adecuar as contías de atención continuada previstas para o persoal residente en formación no Acordo de mellora das condicións de traballo e retributivas do persoal residente en formación do Servizo Galego de Saúde, aprobado por Resolución conxunta da Secretaría Xeral do Sergas, a División de Recursos Humanos e Desenvolvemento Profesional e a División de Asistencia Sanitaria, de 17 de abril de 2007 (DOG número 78, do 23 de abril

de 2007), recollidas no artigo sexto apartado 2 sobre retribucións de atención continuada.

Segundo: Retribución de atención continuada

Será retribuída nas contías que se expresan a continuación:

RESIDENTES LICENCIADOS		
		NOVO IMPORTE
R I	HORA GARDA	10,86
	MÓDULO 17 H	184,62
	MÓDULO 24 H	260,64
R II	HORA GARDA	12,42
	MÓDULO 17 H	211,14
	MÓDULO 24 H	298,08
R III	HORA GARDA	13,98
	MÓDULO 17 H	237,66
	MÓDULO 24 H	335,52
R IV-V	HORA GARDA	15,47
	MÓDULO 17 H	262,99
	MÓDULO 24 H	371,28
RESIDENTES DIPLOMADOS		
M-B-01	HORA GARDA	8,86
	MÓDULO 17 H	150,58
	MÓDULO 24 H	212,59
M-B-02	HORA GARDA	9,77
	MÓDULO 17 H	166,17
	MÓDULO 24 H	234,60

Terceiro: Incrementos 2008-2009

Estas contías incrementaranse sucesivamente nos anos 2008 e 2009 nun 7%. Este incremento será adicional e independente do establecido con carácter xeral nas sucesivas leis de orzamentos.

Cuarto: Efectos

As contías previstas para 2007 terán efectos para as quendas de atención continuada realizadas a partir do 1 de xullo de 2007, incluído.